



Na osnovu člana 61. stav 2. Zakona o upravi (Službeni glasnik BiH br. 32/02, 102/09, 72/17), člana 6d stav (1) i člana 6f stav (2) tačka 1. Pravilnika o izmjenama i dopunama Pravilnika o unutrašnjoj organizaciji i sistematizaciji Ureda predsjedavajućeg Vijeća ministara Bosne i Hercegovine (broj: 01-1-547/2003 od 24.12.2003. godine, broj: 01-02-1424/05 od 17.05.2005. godine, VM broj: 280/05 od 08.12.2005. godine, broj: 01-02-954/08 od 24.04.2008. godine i VM broj 59/08 od 24.04.2008. godine, broj 01-02-86/09 od 16.04.2009. godine i VM broj 103/09 od 16.04.2009. godine i VM broj 14/2011 od 12.01.2011. godine, broj: 03-02-2-129-6/15 od 23. jula 2015. godine i broj: 01-02-2-456/18 od 08.02.2018. godine) koordinator za reformu javne uprave pri Uredu predsjedavajućeg Vijeća ministara Bosne i Hercegovine donosi

Instrukcija o postupanjima po zahtjevima za obavljanje studentske prakse u Uredu koordinatora za reformu javne uprave

Uvod

1. Ovom Instrukcijom utvrđuje se način postupanja u Uredu koordinatora za reformu javne uprave (u daljem tekstu: Ured) po zahtjevima za obavljanje studentske prakse u Uredu.

Zahtjevi za obavljanje studentske prakse

2. Obavljanje studentske prakse u Uredu može se odobriti studentu ukoliko je studentska praksa utvrđena kao obaveza nastavnim planom i programom fakulteta i ukoliko je oblast studija kompatibilna sa djelokrugom rada Ureda.
3. Obavljanje studentske prakse odobrava koordinator na osnovu uvida u zahtjev i procjene raspoloživih resursa i kapaciteta Ureda neophodnih za obavljanje studentske prakse.
4. O konačnoj odluci Ured obavještava podnosioca zahtjeva pisanim putem u roku od 15 dana od dana podnošenja zahtjeva.
5. Ukoliko se odobri studentska praksa, izradiće se individualni program studentske prakse. U individualnom programu utvrđuje se raspored i sadržaj studentske prakse shodno ukupnom trajanju, kao i uzajamne obaveze Ureda i studenta u vezi sa obavljanjem prakse.
6. Ured na zahtjev studenta izdaje potvrdu o obavljenju studentske prakse na temelju individualnog programa rada.
7. Omogućavanje obavljanja studentske prakse Uredu ne stvara obavezu bilo kakvog oblika novčane naknade studentima.

Završne odredbe

8. Ova Instrukcija stupa na snagu danom donošenja i biće objavljena na oglasnoj tabli Ureda i na web stranici www.parco.gov.ba.

Koordinator za reformu javne uprave
Doc.dr Dragan Ćuzulan

Broj: 01-02-1-67-1/19
Sarajevo, 16.05.2019. godine

